

揭文安公文粹

揭文安公文粹

元史列傳

揭傒斯字曼碩龍興富州人父來成宋鄉貢進士傒斯幼貧讀書尤刻苦晝夜不少懈父子自爲師友由是貫通百氏早有文名大德間稍出游湘漢湖南帥趙淇雅號知人見之驚曰他日翰苑名流也程鉅夫盧摯先後爲湖南憲長咸器重之鉅夫因妻以從妹延祐初鉅夫摯列薦於朝特授翰林國史院編修官時平章李孟監修國史讀其所撰功臣列傳嘆曰是方可名史筆若他人直謄吏牘爾升應奉翰林文字仍兼編修遷國子助

敎復留爲應奉南歸省母旋復召還俟斯凡三人翰林
朝廷之事臺閣之儀靡不嫻習集賢學士王約謂與俟
斯談治道大起人意授之以政當無施不可天厯初開
奎章閣首擢爲授經郎以敎勲戚大臣子孫文宗時幸
閣中有所咨訪奏對稱旨恒以字呼之而不名每中書
奏用儒臣必問曰其材何如揭曼碩間出所上太平政
要策以示臺臣曰此朕授經郎揭曼碩所進也其見親
重如此富州地不產金官府惑於姦民之言爲募淘金
戶三百而以其人總之散往他郡采金以獻歲課自四

兩累增至四十九兩其人旣死而三百戶所存無什一
又貧不聊生有司遽責民之受投於官者代輸民多以
是破產中書因俟斯言遂蠲其征民賴以甦富州人至
今德之與修經世大典文宗取其所撰憲典讀之顧謂
近臣曰此豈非唐律乎特授藝文監丞參檢校書籍事
且屢稱其純實欲進用之會文宗崩而止元統初詔對
便殿慰諭良久命賜以諸王所服表裏各一躬自辯識
以授之遷翰林待制陞集賢學士階中順大夫先是儒
學官赴吏部銓者必移集賢考較其所業集賢下國子

監監下博士吏文淹稽動踰累月俟斯請更其法以事
付本院屬官人甚便之奉旨祠北嶽濟瀆南鎮便道西
還時秦王伯顏當國屢促其還俟斯引疾固辭旣而天
子親擢爲奎章閣供奉學士乃卽日就道未至改翰林
直學士及開經筵再陞侍講學士同知經筵事以對品
進階中奉大夫時新格超陞不越二等獨俟斯進四等
轉九階益異數也經筵無專官曰領曰知多宰執大臣
故微辭奧義必屬俟斯討定而後進其言往往寓獻替
之誠務以裨益治道天子嘉其忠懇數出金織文段以

賜至正三年年七十致其事而去詔遣使追及於鄠南
尋復奉上尊諭旨還撰明宗神御殿碑文成賜楮幣萬
緡白金五十兩中宮賜白金亦如之求去不許命丞相
脫脫及執政大臣面諭毋行僉斯曰使揭僉斯有一得
之獻諸公用其言而天下蒙其利雖死於此何恨不然
何益之有丞相因問方今政治何先僉斯曰儲材爲先
養之於位望未隆之時而用之於周密庶務之後則無
失材廢事之患矣一日集議朝堂僉斯抗言當兼行新
舊銅錢以救鈔法之弊執政言不可僉斯持之益力丞

相雖稱其不阿而竟莫行其言也詔修遼金宋三史侯
斯與總裁官丞相問修史何以爲本曰用人爲本有學
問文章而不知史事者不可與有學問文章知史事而
心術不正者不可與用人之道又當以心術爲本也且
與僚屬言欲求作史之法須求作史之意古人作史雖
小善必錄小惡必記不然何以示懲勸由是毅然以筆
削自任凡政事得失人材賢否一律以是非之公至於
物論之不齊必反覆辯論以求歸於至當而後止四年
遼史成有旨獎諭仍督早成金宋二史侯斯留宿史館

朝夕不敢休因得寒疾七日卒時方有使者至自上京
錫宴史局以侯斯故改宴曰使者以聞帝爲嗟悼賜楮
幣萬緡仍給驛舟護送其喪歸江南六年制贈護軍追
封豫章郡公諡曰文安有勲爵而無官階者有司失之
也侯斯少處窮約事親菽水粗具而必得其歡心暨有
祿入衣食稍踰於前輒愀然曰吾親未嘗享是也故平
生清儉至老不渝友於兄弟終始無間言立朝雖居散
地而急於薦士揚人之善惟恐不及而聞吏之貪墨病
民者則尤不曲爲之揜覆也爲文章敘事嚴整語簡而

當詩尤清婉麗密善楷書行草朝廷大典冊及元勳茂
德當得銘辭者必以命焉殊方絕域咸慕其名得其文
者莫不以爲榮云

揭文安公文粹目錄

卷一

上李秦公書

與尙書右丞書

答胡汲仲書

城南宴集詩後序

豐水續志序

吳清甯文集序

蕭孚有詩序

孔氏譜序

重修揭氏族譜序

送劉旌德序

通鑑綱目書法序

范先生詩序

書王鼎翁文集序

送胡伯友拜孔林序

富州重修學記

全州學記

舒城縣龍眠書院記

涿州孔子廟禮器記

增城三皇廟記

建都水分監記

安福州東嶽廟記

浮雲道院記

撫州靈感廟記

胡氏園趣亭記

楊氏忠節祠記

孝通廟記

卷二

大元勅賜修堰碑

重修濟州會源牐碑

天華萬壽宮碑

臨江路玉笥山萬壽承天宮碑

勅賜漢昭烈帝廟碑

雙節廟碑

吾讀吾書齋銘

孝友堂銘

潭心齋銘

思無邪齋銘

讀書處銘

忍恕堂銘

方寸間銘

幽憂賦

天馬贊

仙茅述

靜虛解

楊楚經字說

題昔刺使宋圖後

題鄒福詩後

龔先生碑

嚴先生碑

樂邱碑

勅賜正奉大夫江南湖北道肅政廉訪使董公神

道碑

趙功可墓誌銘

奔清甫墓誌銘

處士楊君墓誌銘

何先生墓誌銘

靖逸處士熊公墓誌銘

劉先生墓誌銘

劉福墓誌銘